



Inatsisartuni ilaasortaq,
Emanuel Nûko, Parti Naleraq

Akissuteqaat § 37 naapertorlugu apeqquteqaatinut 2019-190-imiittunut, Kalaallit Nunaanni suliffissaaleqinerup apparitornera pillugu.

Asasara Emanuel Nûko

Inatsisartut suleriaasianni § 37 naapertorlugu Naalakkersuisunut apeqquteqarputit ataaniittunik, taakkualu matumuuna akissuteqarfigineqassapput.

28-05-2019
Sags nr.
2019 - 12394

Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: asn@nanoq.gl
www.naalakkersuisut.gl

1. 1. Kalaallit Nunaanni suliffissaaleqinerup apparnera sumik tunngaveqarpa?

Akissut:

Suliffissaaleqisut ikileriarnerata tunngaviit ilagaat Namminersorlutik Oqartussat suliniutaasa piviusumik pitsaasunik sunniteqarsimanera, tamatumanilu aamma ilinniartitaanernik aamma pikkorissartitsisarnermik aallussinerulersimanermik, suliffissaqartitsinermi periusissiami “Suliffeqarneq toqqissisimanartoq”-mi sammineqartunik. Aammattaaq aalisarnerup ingerlalluarnera, taamaattumillu aamma aalisakkanik suliffissuarni ingerlatsinerup annertunerulersimanera, sanaartorneq siuariartorpoq sulii aammalu pisortat ingerlatsivii suliffissaaleqisut ikilinerannut pissutaanerpaapput. Taamatullu aamma inuusuttut amerlanerusut ilinniarnertuunngorniarfinniinneri imaluunniit pikkorissartitsisarneri peqataanerulersimaneri.

Annertunerusunik paasisassarsiorlutit atuarsinnaavatit “Suliffissaqartitsineq pillugu nassuiaasiaq 2016/2017” Naalakkersuisut quppersagaanni, Aatsitassanut Suliffeqarnermullu Naalakkersuisoqarfimmit suliaasoq.¹

2. Kalaallit Nunaanni suliffissaaleqisut ikilinerat sulilernerannik tamanna pissuteqarpa?

Akissut:

Suliffissarsiorlutut nalunaarsorsimasut ikiliartornerat aallaavigalugu, ilaatigut ukiup siuliani suliffissarsiorlutut nalunaarsorsimasut agguaqatigiissillugu ikilisimanerisa, piffissami tassani, innuttaasut ikilisimanerannit malunnaatilimmik annertunerunera pissutigalugu. Taamaattumik tamanna nunatsinni innuttaasut ikiliartortarsimanerannut attuumassuteqartutut oqartoqarsinnaangilaq. Tassami ukiuni arlalinni innuttaasut ikiliartoreernerisa kingorna, 2019-imi

amerliallassimanagerat nunatsinni misigineqarpoq, agguaqatigiissillugulu suliffisarsiorlutut nalunaarsorsimasut suli ikiliartuinnarlutik.

Naatsorsueqqissaartarfiup nunatsinni suliffissaqartitsinermut sulisussaaleqisunullu naatsorsueqqissaarnerit kiisalu innuttaasunut naatsorsueqqissaarnerit nittartakkaminiittut naatsorsortarpei. Inussiarnersumik takuuk <http://www.stat.gl/>

3. Kalaallit Nunaanni sumi suliffissaaleqisut ikileriarpat sumilu qaffariarpat, kiisalu sumi nikinngillat?

Akissut:

Suliffisarsiorlutut nalunaarsorsimasuni agguaqatigiissitsinikkut (aamma suliffissaaleqisunut kisitsisini paasissutissani) najukkanut agguataassallugit periarfissaqarfiusuni Kalaallit Nunaanni kisitsisinik naatsorsueqqissaartarfiup kisitsisit naatsorsuusiortarpei, tamatumani aamma illoqarfinnut aamma nunaqarfinnut. Kalaallit Nunaanni kisitsisinik naatsorsueqqissaartarfiup suliffissaaleqisut kisitsisaat najukkanut agguarneqarsinnaasut nalunaarsortarpei. Inussiarnersumik takuuk <http://www.stat.gl/>

Inussiarnersumik Inuulluaqqusillunga

Med venlig hilsen



Erik Jensen



partii naleraq

Nuuk ulloq, 13/05-2019

Inatsisartut suleriaasiat § 37 malillugu immikkoortoq 1 naapertorlugu matumuuna Naalackersuisunut apequt imaattoq saqqummiuppara.

Naalackersuisunut apequt:

- 1. Kalaallit Nunaanni suliffissaaleqinerup apparnera sumik tunngaveqarpa?**
- 2. Kalaallit Nunaanni suliffissaaleqisut ikilinerat sulilernerannik tamanna pissuteqarpa?**
- 3. Kalaallit Nunaanni sumi suliffissaaleqisut ikileriarnat sumilu qaffariarnat, kiisalu nikinngillat?**

(Inatsisartunut ilaasortaq, Emanuel Nûko, Partii Naleraq)

Tunngavilersuut:

Oqaatigineqaqattaarpoq Kalaallit Nunaanni suliffissaaleqineq appariartortoq, paasissallugu sumik tamanna tunngaveqarnersoq, sumi ikileriarnersut, qaffariarnersut aamma nikinngitsut pingaaruteqarpoq.

Apeqqutit ullut qulit suliffiusut akineqarnissaa kissaatigaara

Inatsisartunut ilaasortaq Emanuel Nûko

Imaneq 1, postboks 4120, 3900 Nuuk, E-mail: emanu@inatsisartut.gl, Nittartagaq: www.partiinameraq.gl,
Oqarasuaat: +299 34 50 00 Toqqaannartoq: +299 34 62 69 Angallattagaq: +299 22 03 72